

MIGHTY TALENT E PERHUIDICADO KENDE TIN RAZON?

Errornan a worde cometi

Den e polemica SAC - ASOMA - CLAUDIUS, a ser muestra cu tur tres tin razon y cu tur tres no tin razon. SAC en verdad ta organizador di Calypsonian Contest, tin vergunning y sin su stipulacionnan.

Relaciona cu e concurso di e aña aki, SAC a drenta acuerdo cu ASOMA, pa ASOMA organiza e dos anochinan di preseleccion, como anochinan completamente pa ASOMA.

ASOMA, kier a presenta e anochinan mas atractivo posible pa atrae mas tanto hende posibel, y pa duna e presentenan nivel mas halto posibel den musica.

Tur entrada lo tabata pa ASOMA pa interes di su miembronan y si lo tabata tin perdida esaki lo tabata pa ASOMA tambe y SAC lo a keda scapa di esaki.

Como cu tur aña tin e problema di "ultimo cantante" ASOMA kier a scucha su lidernan di banda, cantante-nan y musiconan riba e asunto aki pa yega na un decision "for once and for all".

E reunion aki tabata di e organizacion ASOMA, un reunion interno riba un actividad di ASOMA (e dos

preseleccionnan).

ASOMA

Di tur buena fe a yega na e decision encuan to participacion di Rey di Calypso y di Roadmarch.

E decision a ser tuma "di buena fe" cu mayoria presente den votacion, manera decision di un organizacion mester wordo tuma, segun proceduranan parlamentario di cualquier organizacion.

Esaki ta encera cu si bo ta invita pa e reunion, bo no a presenta, of a presenta despues cu democraticamente decision a wordo tuma, y aproba of rechaza pa mayoria presente, bo tin cu acepta decision di e organizacion na cual bo ta afilia y sigui reglamentonan y interesnan di bo organizacion, aproba of rechaza pa mayoria presente.

Esaki ta locual no a tuma lugar den caso di Mighty Talent, manera e articulon publico ta muestra.

MIGHTY TALENT

Mighty Talent no a acepta e decision, y a keda basa su

mes riba tradicion di SAC di cu Rey di Calypso ta canta ultimo e anochi final defendiendo su titulo, y no kier a razona cu e organizacion di cual e ta forma parti, na bienestar di e organizacion y musiconan (manera e mes y su banda).

No por kita afo tampoco, e derecho cu Mighty Talent tin, pa defende su interes como rey, su prestigio como rey y cu pa su persona, lo mas importante ta e ventaha riba e otronan, di por scucha tur hende dos anochi sigui y trata na sobresali riba nan e anochi final.

Cu e no a presenta su calypso den preseleccion, ta pasobra el a keda mantene su mes tras di palabracion di Sr. Milo Croes, di cu e ta liber pa haci'e e anochi ey, pero cu finalmente e ta defende su corona anochi final, como ultimo cantante.

Esaki tambe cu tur su razon como Rey y cu palabracion di Organizador di e final di calypso contest.

Manera a wordo splica anteriormente, e mester busca tambe su ventahanan y probecha di esaki y aki e tabata tin un bon motibo pa su defensa di titulo.

E errornan di Mighty Talent tabata di no a presenta na e reunion cu ASOMA. Di no kier razona cu ASOMA, di no kier a contesta yamadanan di ASOMA, di no a presenta

Diario
11 Aña
cu
pueblo

COMENTARIO

pa reunion cu ASOMA pa discuti e asunto y trata na yega na un bon solucion na bienestar di e concurso; di a nenga di razona cu ASOMA ayera madrugada despues di preseleccion y di no a presenta pa e reunion di tiramento di lot pa final.

Den tur e casonan aki henter e polemica por a wordo evita.

SAC

SAC den henter e asunto aki, tin razon di ta organizador y cu ta nan tin e vergunning.

SAC mester atene su mes tambe na e decision combin, cu ASOMA ta organiza e dos anochinan, y cu decisionnan di ASOMA, - como organizacion independiente legal -, relaciona cu e dos anochinan aki ta di wordo respeta.

SAC y tambe Mighty Talent (Claudius Phillips) tabata tin tempo pa reuni cu ASOMA y solucion tur cos.

Esaki no a wordo logra.

SAC ta bisa cu ASOMA a kibra reglamento di SAC sin derecho di haci esaki. Aki

SAC por tin razon di un banda, pero a nenga di razona cu ASOMA riba e punto aki tildando ASOMA di a actua tras di nan lomba.

SAC por tin razon tambe di cu ta segun nan reglamentonan e final mester tuma lugar y ASOMA por a discuti esaki di antemano cu SAC prome cu a pensa di tene e reunion riba e cambio. Sr. Milo

Croes a trece un punto dilanti cu ta importante, cu ta for di November ASOMA a ser poni na altura caba di e desarollo di e concurso. Awor si a wordo papia di reglamentonan no ta conoci.

ASOMA di su banda a bin cu e sistema di participacion di buena fe, basa riba decision di su miembronan, y lo a comete e error di no a pone SAC na altura cu lo discuti esaki.

SAC a comete un error, sabiendo kico tabata desarollando tur e dianan aki, pa sin comunica cu ASOMA, bisa Mighty Talent cu e ta liber pa canta su calypso den preseleccion si e kier, pero den final e ta defende su titulo cu esaki.

ASOMA tin su razon di mantene nan mes na e decision cu si bo no a participa den e concurso, bo no por bay final cu bo cancion cu no a participa.

BUNITA

Lo bunita di henter e polemica aki, - principalmente di parti di MIGHTY TALENT como un gesto di caballerosidad pa bienestar general y bienestar di buena marcha di e final, - ta si MIGHTY TALENT por dicidi pa participa toch cu su roadmarch awe nochi; participa como banda nr. 1 toch awe nochi; acompaña tur su finalistanan toch awe nochi.

Esaki lo ta un decision cu cada persona riba nos isla lo aprecia di e "talento grandi" di nos musica di carnaval, sea e gana of perde, aunque si mira tur cos di otro banda, MIGHTY TALENT TA E PERHUIDICADO den henter e polemica.

DESPUES ?

Despues?

Despues di carnaval, lo mas pronto posibel, ASOMA y SAC mester sinta na mes como dos organizacion serio, y stipula pa otro aña en adelante, kico lo haci cu concurso di Calypso y di Tumba den futuro.

Stipula reglamentonan riba papel, preto riba blanco, y mantene esaki pa cierto periodo defini entre nan dos.

Cu esaki por spera cu di 1993 en adelante lo no tin problema ni polemica mas den e concursonan aki.

Fandango PROUDLY PRESENTS
NIGHTCLUB

Bennie Anderson & THE DRIFTERS



The G.M.T. Band
Great Musicians Together
DAILY LIVE MUSIC FROM
11:30 P.M. - 1:00 A.M.
WEEKENDS TILL 2 A.M.

Show Time 10:30 P.M.
(except on Monday)
For Reservations
Please Call 33555
Cover Charge \$ 17.50
(incl. 2 drinks)

Golden Tulip Aruba Caribbean
Resort & Casino

SENHOR DAS ILHAS

Pa un fiesta of reunion di familia of empresa of banco, nos por hacie algo inolvidabel den nos barco. Yama nos y nos lo dunabo tur information nos tin e prijs di mas razonable.
Tel: 24554 of pasa personalmente dilanti Casino di Harbortown.

UNCLE LOUIS STORE

Tin special pa CARNAVAL, LAME den tur color y dobel hanco for di 5,- pa ariba
SATIN 1,- pa riba pa yarda

Nos tin tela di TIGER y COMBAT tambe FELPA

BIN GOZA CARNAVAL NA
UNCLE LOUIS STORE
Promenade San Nicolas